



B. 1. 1. 1.





NOVVS PROTEVS
IESVS
SALVATOR
MVNDI.

Anagrammaticè
centies inuersus, ac centum distichis
ADORNATVS:

ET

*In Strenam Iuuentuti Studiose Monasterij
Tynecensis, Ordinis*

S. BENEDICTI,

AB

A.R.D. STANISLAO SCZYGIELSKI,
PRAEPOSITO TVCHOVIENSI

OBLATVS.

Calendis Ianuarijs, Anno reparatae salutis
M. DC. LXIV.

•••••

CRACOVIAE,

Apud ALBERTVM SIEKIELOWIC,
S. R. M. Typographum.

I E S V S
D E V I R G I N E
N A T V S.

A N A G R A M M A.

Sanè vigens virtus Dei.



Quis, precor, iste puer prodit de Virgine natus?
Sit licet in cunis, est ratione vigens.
Sanè CHRISTE vigens puer es Sapientia Patris,
Atque Dei virtus diceris esse simul.

BJ B. de m. B. 46(6)



Charissimis In CHRISTO Fratribus,

CELEBERRIMI TYNECENSIS MONAST.
ORDINIS S. P. NOSTRI

BENEDICTI
PROFESSIS:

F. P. STANISLAVS SCZYGIELSKI,
Præpositus Tuchouiensis.

Felicissimum Noui Anni, precatur auspiciū.



Anuarij Calendas anni auspices largiendis Strenis sacrauit Antiquitas, FF. Charissimi, atq; ea consuetudo iam inde à Tatio Sabinorum Rege in posteritatem transmissa est, quem Verbenas felicitis arboris ex luco

Strenia, noui anni auspices primum accepisse, auctor est Symmachus, argumento indubitato, Viris Strenuis strenas conuenire, atq; ob Virtutem deberi. Vestros itaque in Sacris Studijs peruiigiles labores, & strenuos in literis, Religioso dignis, conatus dum audio, incredibili animi effector læti-

tiâ, gaudeoque plurimum, recaluisse literarum
amorem apud Vos, quibus tœdium prius gene-
rabant: quæ profecto Vestra tantâ animi con-
tentione assumpta Studia, dissimulare nequeo,
cum eorum gloria me delectet abundè; idque
vnicè cupiam, ut maiorem Sapientia sitim &
aviditatem Doctrina, ipse discendi ardor in Vo-
bis promoueat, & usus dulcedinem insinuet.
Felicius quippè omen iam capio ex literis, qui-
bus Vos addictos inaudio; futurum certè spe-
rans, quin cum ijs & Pietas associata veniat,
& Virtutes cetera secundo cursu ferantur.

Ac quoniam religiosum Votiuumque existi-
mo bonas artes stimulo præmiorum felicius in-
citare, Strenas Ianuarias, inuitamenta sudoris,
Vestro præmiando labori strenuo, offerre decreui:
nempe **SALVATOREM MVNDI**
IESVM infantem, à Nostro **QVINTINO**
Monacho anagrammaticâ Poësi doctissimè exor-
natum typis publicari effeci, Vestrisque hunc fa-
cundi ingenij partum manibus consecraui, ut
tam p̃ij & docti Musæ Benedictinæ lus, ad
maiores in literis profectus, mentes Vestras ex-
stimulent, & laudabilem doctrina ambitionem
ingerant; quatenus acquirenda opulentissima
eruditioni intenti amplius, quicquid & in Poë-
tis Orthodoxis argutum vel amenum, apud O-
ratores graue, in Annalibus fidele, inter Gram-

maticos eruditum, in Philosophia subtile, necessarium & diuinum in Theologia studiosè deprehenderit, totum id pectore calenti hauriatis, futuri iusti heredes veterum literarum. Istud itaque agite, & quâ cœpistis alacritate contendite, rati non vulgare Vos obsequium Ordini & Tynecio præstituros, cum in eâ Studia neruosius incubueritis, quæ inscitia portenta de medio tollunt, quæ otium excludunt, quæ sanctas, quæ admirabiles, quæ doctas & beatissimas efficiunt Religiones. Habet enim Tynecense archisterium Regni nostri princeps & primarium Ordinis Benedictini domicilium, permultas commoditates, quæ animos Vestros ad studia rerum diuinarum, & veritatis in otio literario contemplationem, possint permouere. Si situm, si adiacentia circumspiciatis? quæ loci clementia, quæ rerum copia, quæ necessitatum prouiso, quæ librorum abundantia, quæ celebritas antiquissimi & quondam ditissimi Monasterij, qui vicinorum de Tynecio sensus, quæ expectatio: Ordo ipse BENEDICTINVS Sanctitate & Doctrinâ semper illustris, TTYNECENSIS item MONASTERII necessitas, ipsaque affluentia temporis, id à Vobis exigere meritissimo iure videntur. Adsunt Vobis permulta præsidia ad benè beatèque viuendum, sunt ad ornamentum, ad omnem commoditatem permulta; quibus si libera-

lium

lium artium Studia, Tynecij quondam (si historia
inspiciatur) culta, si florentissimum Philosophiæ ac
Theologiæ gymnasium, si officinam artium honestis-
simarum addideritis ; nescio quid Vestro Tynecio
auctius ? quid nobilius ? quid admirabilius ? quid
religiosius ? possit aut beatius excogitari ? Sin au-
tem studium regulare & contemplationis artes
contemnentur ? Verendum profecto est, ne de tan-
ti Cœnobij copijs, magnæq; æstimatione plurimum
detrahatur. quod ut in opportuno commodog; si-
tu, in copia, in opulentia, in omni bonorum genere
multum habere præsidij videtur, maxima tamen
pars in Doctrinâ & Sanctitate illi omnimodè ne-
cessaria est constituta. quibus demptis, non Video
quid admodum amplum, quid religiosum ei possit
ex primo splendore ac gloria remanere. Quod ut
optimè persuasum Vobis habeatis FF. Charissimi
absq; Sanctitate & Doctrinâ nec Ordinem Bene-
dictinum promoueri posse nec conseruari ; ac illud
certissimum esse debet, perfectam Tynecensis Mo-
nasterij atq; adeo Ordinis Vniuersi felicitatem sine
Studij literarij à Regulâ præscripti præsidio, reti-
neri non posse, quod rerum cœlestium contempla-
tione verique perspicentia contineatur.

I E S V S
S A L V A T O R
M V N D I.

ANAGRAMMA PRIMVM.

Io, sum Deus naturalis.

Filius ipse Dei Deus est æternæque latus
Dum tenet in cœlis gaudia, cantat io.

2. VERITATI ÆTERNÆ.

Iesus Saluator mundi.

Is solùm nuda veritas.

Omnis homo mendax, solùm Deus esse probatur
Verus; ab æterno talis & ipse fuit.

3. IMMUTABILI.

Iesus Saluator mundi.

Sum in Deo sita laurus.

Est Deus, inque Deo laurus velut una, virorem
Cernitur elysij semper habere soli.

4. SALVTIS NOSTRÆ AMATORI.

Iesus Saluator mundi.

En diuus salutis amor.

Ecce salutis amor diuus Deus ipse videtur;
Est etenim saluans non nisi purus amor.

5. AD SALVTEM NOSTRAM ASPIRANTI.

Iesus Saluator mundi.

Vnus salutis Dei amor.

V Nus amor, *quo plena Dei sunt viscera Christi,*
Dicitur hic meritò nonne salutis amor?

6. A SANCTIS PATRIBVS DESIDERATO.

Iesus Saluator mundi.

Tu salva : eris Dominus.

C Lamor erat Patrū, *Salua nos Christe Redēptor,*
Noster eris Dominus, noster erisque Deus.

7. AB EISDEM SÆPIVS EXPETITO.

Iesus Saluator mundi.

Vise solūm tu radians.

V Ise solūm *terramq; tuo fulgore serena,*
Certa animi veniat te radiante salus.

8. A PROPHEtis NVNTIATO.

Iesus Saluator mundi.

Visa erit salus mundo.

V Iſa ſalus aderit, *dicbant ſæpè Prophete,*
CHRISTVS erit mundo, credite, viſa ſalus.

9. E COELO IN TERRAM DELAPSO.

Iesus Saluator mundi.

Vnius Dei saltus, amor.

S I quos Numen agit saltus, *cernuntur amoris ;*
A calo in terram saltat amore Deus.

10. AMOREM ÆTERNVM IN TEMPORE MANIFESTANTI.

Iesus Saluator mundi.

Diu latens visus amor.

S *It licet æternus, post plurima tempora, Diuus
Matre fuit natus Virgine visus amor.*

11. VIRGINE MATRE GENITO.

Iesus Saluator mundi.

Vnus ideò laus Matris.

P *Rodijt hic vnus conclusa Matris ab aluo?
Laus ideò Matris dicitur iste puer.*

12. IN STABVLO NATO.

Iesus Saluator mundi.

Olim Deus natus aruis.

P *Aruulus hic medijs est olim natus in aruis,
In stabulo cunas vidit vt ipse suas.*

13. PASTORIBVS ANNVTIATO.

Iesus Saluator mundi.

Suauis in melos datur.

D *Vlce melos CHRISTO fuit enascente peractum?
Dulce melos CHRISTVS sed magis ipse fuit.*

14. CIRCVMCISO.

Iesus Saluator mundi.

Sanè suauis do litrum.

E *Cce puer IESVS sua confert dona salutis,
Paruulus effuso sanguine datque litrum.*

15. LEGEM PERFICIENTI.

Iesus Saluator mundi.

Is laudaturus Moisen.

N *On voluit Moſis CHRISTVS perfringere legem;
Illa ſed hoc melior facta docente fuit.*

16. STELLÆ INDICIO MAGIS OSTENSO.

Iesus Saluator mundi.

Luminofus eat radius.

C *Larus eat radius, ſtella ſua lumina pandat
Indicio, & ſtabuli dicat in antra Magos.*

17. A MAGIS ADORATO.

Iesus Saluator mundi.

Sua nimis laude ortus.

P *Auper & abiectus quamuis videatur hic ortus;
Laude ſua, vt Deus eſt, non tamen ille caret.*

18. IN HUMILITATE EXALTATO.

Iesus Saluator mundi.

Laus Deo, manſi virtus.

Q *Vod non ante fuit, ſumpſit de Virgine natus:
Sed quod erat, virtus manſit, vt ante Dei.*

19. IN TEMPLO PRÆSENTATO.

Iesus Saluator mundi.

Simeoni ſaluus datur.

F *Ertur vt in templum, Simeoni offertur IESVS,
Qui in amplexu ſuſcipit cantat odor.*

20. REGI PACIFICO.

Iesus Saluator mundi.

Noua Iris fum delatus.

P *Acis habet signum radians in nubibus Iris ;
Sic pariter CHRISTVS fœdera pacis habet.*

21. SINCERO ET CORDE RECTO.

Iesus Saluator mundi.

Israëlita mundo vsus.

V *Ir pius ac simplex est mundo taliter vsus,
Ac si mundum habitans desuper astra foret.*

22. A D Æ S E C V N D O.

Iesus Saluator mundi.

Lenis Adam virtuofus.

L *Enis hic est Adam magnâ virtute secundus,
Et quod primus homo debuit, ille luit.*

23. A L T E R I N O E M O.

Iesus Saluator mundi.

Is alius datur Noëmus.

E *Cce alius Noë, fabricatâ corporis arcâ,
Qui cunctos homines eripit amne stygis.*

24. N O V O S A M V E L I.

Iesus Saluator mundi.

Samuël diuis ornatus.

H *Ecce nouus est Samuël diuino munere Vates,
Vnctio Principibus quo tribuente datur.*

25. SAVLI COMPARATO.

Iesus Saluator mundi.

Sitne Saül diuus amor.

Sitne Saül diuinus amor? *nam more Saülis
Aurea dum pugnat sic amor arma gerit.*

26. PRÆ FILIIS HOMINVM SPECIOSO.

Iesus Saluator mundi.

Ardes vita luminosus.

Splendida non tantum facies & forma resulget;
Tota sed æthereo lumine vita micat.

27. TOTI VIRGINEO.

Iesus Saluator mundi.

Sis veluti rosa munda.

Est rosa flos meritò florum regina vocanda;
Diuorum melius tu pie CHRISTE rosa.

28. SVAVISSIMO.

Iesus Saluator mundi.

Is nardum suavis olet.

Suavis olet nardum *fragrans virtute suavis:*
O quam dulcis odor, quamq; suavis amor!

29. MELLIFLVO.

Iesus Saluator mundi.

Tu mel ordinas suavis.

Melleus & suavis sic mellea, suauia IESVS
Ordinat, est verbis mellifluisque suis.

30. **A M A B I L I.**

Iesus Saluator mundi.

Vir vti Sol es amandus.

Omnibus est radians meritò Sol nunquid amādus?
Sol veluti CHRISTVS dignus amore venit.

31. **I N A M O R E F O R T I.**

Iesus Saluator mundi.

Validus es intus amor.

Intrus agis diuinus amor, validúsque sacro
In cunētis feruens pectus ab igne geris.

32. **I N A M O R E P E R S E V E R A N T I.**

Iesus Saluator mundi.

Sit valens diuus amor.

Diuus amor nostras vrat, precor, igne medullas,
Exhibito nobis robore sitq; valens.

33. **I N A M O R E S V B L I M I.**

Iesus Saluator mundi.

Is altus vnus Dei amor.

Altus amor CHRISTI, nihil est excelsius illo :
Vt talis fuerit, non tamen ima fugit.

34. **I N A M O R E F E R V E N T I.**

Iesus Saluator mundi.

Vt Delius viros amans.

Delius ecce nouus, feruens, simulatq; cornescans,
Et sincerus amans diligit ipse viros.

35. IN AMORE EVLGENTI.
Iesus Saluator mundi.
Ut fidus, laus in amore.

L Aus in amore *micans*, ut fidus luce coruscat;
Non aliter diuo laus in amore valet.

36. IN AMORE PRVDENTI.
Iesus Saluator mundi.
It validus sensu amor.

H Ic amor it validus sensu; *deliria nescit;*
Actibus in cunctis sed sapienter agit.

37. IN AMORE NVTRICIO:
Iesus Saluator mundi.
Vnus amoris Deus alit.

O Mnes vnus alit, Deus hic apparet amoris,
Quo bonus & pariter viuit alente malus.

38. IN AMORE DISCRETO.
Iesus Saluator mundi.
Tu es sal diuinus amor.

S Al diuinus amor *meritò tu cerneris esse:*
Condimenta etenim mentibus vsque parat.

39. IN AMORE BENIGNO.
Iesus Saluator mundi.
Indulsi at vsus amore.

V Sus amore, *reis indulsit crimina cunctis;*
Hi modò si pereant, id noua culpa facit.

40. PIO ET CLEMENTI DOMINO.
Iesus Saluator mundi.
Vis Dominus salutare.

T *V*pius es Dominus, nostram vis usque salutem;
Quod vis, hocq; volet, sit nisi stultus, homo.

41. PATRI MISERICORDIARVM.
Iesus Saluator mundi.
Iussi donum salutare.

I *P*se salutis amans fieri vult dona saluris,
Auxilium miseris non iubet atque dare.

42. TOTIVS CONSOLATIONIS DEO.
Iesus Saluator mundi.
Diuus tu lenis amaro.

O *D*iuus, Diuisq; Deus qui premia confert,
Qua... pius unguentis lenit amara suis!

43. CAELESTIS GRATIAE LARGITORI.
Iesus Saluator mundi.
Ros diuus lenis amatu.

R *O*s velut est CHRISTVS, rotus sed lenis amatu;
Felix qui simili rore madescit ager.

44. ANIMAS IRRIGANTI.
Iesus Saluator mundi.
Amandi vti ros leuis.

R *O*s leuis est CHRISTVS, facilis dum gratia nostras
Mentes aethereo Diva fauore rigat.

45. MEDICO SPIRITVALL.

Iesus Saluator mundi.

Tu diuus liuorem sanas.

L *Inidus accepto nostrum tu vulnere sanas
Liuorem: Medicus cerneris esse nouus.*

46. NOSTRO SAMARITANO.

Iesus Saluator mundi.

Tu melior sanas diuus.

T *V melior sanas animarum publica cura;
Quàm facit Hippocrates Peoniusq; senex.*

47. DIABOLICÆ FRAVDIS DETECTORI.

Iesus Saluator mundi.

Vir leniùs doma astus.

E *la agè, CHRISTE doma peragens vir leniter astus;
Qu' libet abscedat te retegente dolus.*

48. BONA INSPIRANTI.

Iesus Saluator mundi.

Sator viuus das lumen.

I *pse fator mundi das cœlica lumina viuus:
Mortuus haud lucis cernitur esse capax.*

49. MONITORI VALIDISSIMO.

Iesus Saluator mundi.

Vir fat validus mones.

V *ir satis es validus, monitis nos iugiter vrgens,
Quos cupis æterni iussa tenere Patris.*

50 SVASORI PRVDENTISSIMO.

Iesus Saluator mundi.

Vti Suafor des lumina.

E *St Deus à nobis noscendus luminis auctor;
Sinceri sapiens consilijs dator.*

51. CONSTANTI ET ANIMOSO.

Iesus Saluator mundi.

Is laudetur animosus.

I *S referat laudes, animosus ut esse probatur;
Fregit enim stygij robora cuncta Ducis.*

52. Z E L O S O.

Iesus Saluator mundi.

Adsum vir notus Elias.

E *St velut Elias magno seruire repletus;
Mitior est eius feruor amore tamen.*

53. SVÆ GLORIÆ VINDICI.

Iesus Saluator mundi.

Vnus iste amor laudis.

L *Audis amor Deus est, huic gloria redditur omnis;
Si quæ non fuerit reddita, vana perit.*

54. A SE LAVDABILI.

Iesus Saluator mundi.

Is sua laus erit mundo.

I *Ndiget haud titulis, ferat ut preconia laudis;
Is sua sed mundo laus erit apta satis.*

B

55. So-

55. SOLI IUSTITIA
Iesus Saluator mundi.
Sol ritè visu amandus:

H *ic est iustitia Sol visu CHRISTVS amandus;
Pra cunctis etenim dignus amore venit.*

56. FVLGENTISSIMO.
Iesus Saluator mundi.
Do visus terfa lumina.

S *ol velut, ex animo scelerum caligine pulsa;
Virtutum radijs lumina terfa fero.*

57. ANIMAS ILLVSTRANTI.
Iesus Saluator mundi.
Sanè viro altum fidus.

N *oscitur esse viro fidus virtutibus altum,
Illustrans animum, dum facit alta Deus.*

58. INNVPITIIS AQVAM IN VINVM CON-
VERTENTI.

Iesus Saluator mundi.
O Salutaris des vinum.

C *HRISTE Salutaris des vinum, supplico, dixit;
Mater, & est purum sic aqua facta merum.*

59. SVAVITER OMNIA DISPONENTI.
Iesus Saluator mundi.
Multa suavis ordines.

S *uavis ut es IESV facias sic multa suavis:
Omnia namq; operans suauia Numen agit.*

60. VITA ADMIRABILI.

Iesus Saluator mundi.

Solus è vita mirandus.

V *T*plures fuerint fecit quos vita stupendos;
Longè plus CHRISTI vita stuporis habet.

61. IN MONTE THABOR TRANSFIGVRATO.

Iesus Saluator mundi.

Sat suo lumine radius.

N *O*n aliundè nitet, propriâ virtute resulget,
Clarus ut in Thabor culmine CHRISTVS adest.

62. PASTORI BONO.

Iesus Saluator mundi.

Vir ouis dans salutem.

H *I*c bonus est Pastor, gregis est cui cura salutis,
Quiq; suo vitam sanguine donat ovi.

63. NOVÆ LEGIS SACRIFICIO.

Iesus Saluator mundi.

O diues altaris munus !

O *D*iues ! magnumq; nimis, quod munus habetur
Altaris, CHRISTVS victima sacra Patri.

64. PANI EVCHARISTICO.

Iesus Saluator mundi.

Vanos alit mirus Deus.

M *Irus alit Deus ipse homines quandoq; rebelles,
*Et vanos proprio corpore CHRISTVS alit.**

65. IN ALTARI CONSPICVO.

Iesus Saluator mundi.

Tale fidus nouum aris.

T Ale nouum *sacris* CHRISTVS *resplendet in aris*
Sidus, & irradians solis adinstar adest.

66. AGNO PASCHALI.

Iesus Saluator mundi.

Vnus Deus litas amori.

E Cce litas *Diuo* Deus *ipse*met vnus amori,
Sacrificans Deus es, *resque* sacrata simul.

67. ADIVTORI NOSTRO.

Iesus Saluator mundi.

Diûs mortales iuuans.

O Mnibus ille iuuans *dextram* mortalibus offert;
Illius renuat quis nisi stultus, *opem*?

68. REIS PERFVGIO.

Iesus Saluator mundi.

Munus reis dat oliuas.

N Onnè reis *gratū* munus dat CHRISTVS oliuas,
Dum nos *sanguineo* lenit, & *imbre* rigat?

69. VADI PRO NOBIS CONSTITVTO.

Iesus Saluator mundi.

Vas utilis mundo eris.

V T vadis *officiū* fecit Saluator IESVS,
Est visus *meritis* utilis *esse* suis.

70. MEDIATORI NOSTRO.

Iesus Saluator mundi.

En saluis sum adiutor.

A Diutor saluis est fuso sanguine promptus,
Atque Deo per eum conciliatur homo.

71. PECCATORIBVS PROPITIO.

Iesus Saluator mundi.

Diuinus malos seruat.

Ille malos seruat diuin s in omnibus actis:
Effectu Deitas non meliore patet.

72. PECCATORES EMVNDANTI.

Iesus Saluator mundi.

Suos mundauit Israël.

Ipse suos Israël mundauit crimine seruos,
Innocuus pœnas pertulit atque rei.

73. PRO PECCATIS HOLOCAVSTO.

Iesus Saluator mundi.

Is donum sui salutare.

Amplius haud donum est, quam se donare rogãti;
Plurima dona dedit, se Deus atque dedit.

74. A MALIS NOS LIBERANTI.

Iesus Saluator mundi.

Nos malis diuus eruat.

Quesumus ille malis diuus nos eruat omnes,
Iustitie primam restituâtque stolam.

75. MUNDI REDEMPTORI.

Iesus Saluator mundi.

Reis vita, Mundo salus.

VIta reis, Mundoque salus Saluator IESVS
Cernitur, ut miseros eripit amne stygis.

76. SALVTIS LARGITORI.

Iesus Saluator mundi.

Isti donum vera salus.

VEra salus IESV *magno est pro munere donum :*
Nil homini maius namq, salute datur.

77. SALVATORI POTENTISSIMO.

Iesus Saluator mundi.

Res saluauit dominus.

Romanam Fabius cunctando restituit rem :
CHRISTVS *res hominum restituit dominus.*

78. SALVATORI MITISSIMO.

Iesus Saluator mundi.

Me saluat ros diuinus.

Mitis ut est IESVS, saluat me rosis ad instar,
Depluit atque animo plurima dona meo.

79. SANGVINVM SPONSO,

Iesus Saluator mundi.

Is doluit verus amans.

Verus amans doluit passus tormenta Redemptor:
Quis sine tanta queat namq, dolore pati ?

30. AD PASSIONEM LATO ANIMO PRO-
PERANTI.

Iesus Saluator mundi.

Animosa ludes virtus.

Ardua dum patitur, virtus infirma laborat,
Ludit, & exultans est animosa malis.

81. SANGVINEO SVDORE MADIDO.

Iesus Saluator mundi.

Salus in morte sudaui.

Quantum innocuus sudauit mortis in horâ,
Sudor erat fletus, sudor eratque cruor.

82. SVO SVDORE NOS LIBERANTI.

Iesus Saluator mundi.

Ita sudans solui reum.

Qvando ita sudauit mixtâ cum sanguine lymphâ,
Illius absoluit sanguis & vnda reum.

83. DEO PATIENTI.

Iesus Saluator mundi.

Diu vim toleras sanus.

In cruce suspensus toleras vim corpore laesus;
Ast animo sanus cerneris esse Deus.

84. CRUCI AFFIXO.

Iesus Saluator mundi.

Diuus moriens saluat.

Non frustra est moriens tribuit sed morte salutem,
Magnâque pro nobis premia diuus habet.

85. IN CRUCE MORTVO.

Iesus Saluator mundi.

An Deus alijs mortuus?

Mortuus ecce Deus: noua res & digna stupore;
Res tamen haud ista verior vlla datur.

86. PRO OMNIBVS PASSO.

Iesus Saluator mundi.

Omni datur eius salus.

Omnibus una salus datur hic pro fontibus insons;
Omnibus ut profit, sic precor, una salus.

87. SVA NOBIS MERITA APPLICANTI.

Iesus Saluator mundi.

Merito diuus saluans.

Ex merito CHRISTVS saluās nos diuus habetur:
Sed nobis meritum contulit ipse iuum.

88. AD INFEROS DESCENDENTI.

Iesus Saluator mundi.

Diuos lustraui manes.

Diuos lustraui penetrando Tartara manes;
Pluribus eductis inae trophæa tulit.

89. A MORTUIS RESURGENTI.

Iesus Saluator mundi.

Sum diuus alter Ionas.

Alter *hic est Ionas mortis demersus abyssō;*
Restituit vite tertia quēque dies.

90. VICTORI GLORIOSO.

Iesus Saluator mundi.

Laureatus is Dominus.

Is *victor Dominus superatā morte triumphat,*
Illius ē cingit laurea parva comas.

91. LEONI DE TRIBU IUDÆ.

Iesus Saluator mundi.

Audis mirus Leo natus.

Ille *tribu Iudæ Leo natus mirus habetur;*
Omnia namq; Erebi monstra valore domat.

92. OB PASSIONEM EXALTATO.

Iesus Saluator mundi.

E duris tua laus omnis.

E *Duris tua laus IESV cognoscitur omnis:*
Passio dura fuit, laus sed amana fuit.

93. TOTIVS MVNDI DOMINO.

Iesus Saluator mundi.
Is, sua laus dominetur.

IS sua laus toto regnans dominetur in orbe,
Et teneat sceptris debita iura suis.

94. AD CÆLOS ASCENDENTI.

Iesus Saluator mundi,
Euolans fursum adijt.

EVolat hic fursum, nullis tamen vititur alis,
Sed virtute suâ se super astra vehit.

95. IVDICI SVPREMO.

Iesus Saluator mundi,
Datus aëri luminosus.

CVM CHRISTVS veniet residens super aëra Iudex.
Irradians magno lumine visus erit.

96. REPROBOS CONDEMNANTI.

Iesus Saluator mundi.
Tu olim suavis ardens.

CHRISTE tua exardens erat olim Iudicis ira;
Vt modo tuavis amor, tunc erit ira grauis.

97. CITRA CONDIGNVM PVNIENTI.

Iesus Saluator mundi.

Diuinus es vltor ? amas;

S Is quamuis scelerum vindex, diuinus & vltor;
Attamen vt plectis crimina, semper amas.

98. ELECTOS CORONANTI,

Iesus Saluator mundi.

Vnus saluos redimiat.

E Ffcit vt saluos, sic saluos ipse coronet;
Gratia processit, gloria sit, sequens.

99. SANCTORVM GLORIÆ.

Iesus Saluator mundi.

Sat in se laus diuorum.


D iuorū meritò laus maxima CHRISTVS habetur;
Satque suis meritis præmia laudis habet.

100. VITÆ ET PRÆMIO ÆTERNO.

Iesus Saluator mundi.

Sis vita, dones laurum.

S Is mea vita Deus ; nam mors est altera vita :
Atque tuo pugili laurea dona feras.



SACRA ITERVM
IVBILATIO,

EIDEM INCARNATO
VERBO DEI,

I E S V
C H R I S T O
DOMINO NOSTRO
HVMANI GENERIS ASSERTORI
PIENTISSIMO
INVERSO SIMILITER METRO
PANGITVR.





Iesus Dei Filius.

A N A G R A M M A.

Viuis es fidelis.

E *Vryalus Niso, Pyladesq³ Fidelis Orestē*
Dum canitur, Vates quid nisi vana refert
Quosque suo exhibuit Polluci Castor amores,
Ingenij fictos quis neget esse iocos?
Et tua Penelope quæ præstita fertur Vlyssi,
Est meritò thalami fabula habenda fides.
Hæc etiam maior si quæ cantata Poëtis
Vlla fides, fidei non nisi larua fuit.
Nulla fides mundo, nullusque Fidelis amicus:
Fallit enim mundus, fallit amica fides.
Carus Alexandro vixit quandoque Philotas,
Hostis Alexandro maior at inde fuit.
Fædus amicitie Pompèi & Cæsaris arctum,
Poëtea Pompeium Cæsar ad arma vocat.
Tullius Augusto placuit sermone disertus,
Ante tamen mortem desijt illa fides.
Nunquam finis erit, cupiam si cuncta referre
Damna, tulit mundo quæ violatus amor.
Cernitur instabilis maior constantia ponti,
Quàm sit amicorum non reputanda fides,
Tu solus meritò Viuis es CHRISTE Fidelis,
Est dextra auxiliij sola tenenda tui.

Tu

*Tu quacumque facis, seruas promissa Fidelis ;
 Fallere mens fraudis nescia namque Dei est.
 Dumq; potes, quod vis, tu cerneris vsque Fidelis,
 Quæ promissisti semper habentq; fidem.
 Constantes animo tantum sint, atque Fideles,
 Qui post fata volunt te pie CHRISTE frui.
 A modo fac igitur maneam tibi CHRISTE Fidelis;
 Ut tibi sim talis, tu mihi qualis eris.*

Iesus Dei vnigenitus.

A N A G R A M M A.

Diuinus est ei genius.

Q *Valis inest CHRISTO genius, vis noscere Lector?
 Quod tibi pango metris, hoc Anagramma lege.
 Est diuinus ei genius, Deus atque probatur,
 Qui Patri equalis cernitur esse Deo.*

Deus incarnatus.

A N A G R A M M A.

Tu in carne sudas.

O *Deus, humanâ tectus dum carne videris,
 Pro sudore tibi sanguis, & unda fluunt
 Unda fluit, varijs quando peregrinus in oris,
 Tu semen fidei nocte, diæque jadis.*

Gethse.

Gethsemani exorans Patrem conclusus in horto,
Proximus & morti, sanguinis imbre mades.
O cruor ! ô sudor ! sunt talia signa laboris,
In terris positus quem Deus ipse subit.
Et tu vilis homo spernens exempla Tonantis,
Tempore non modico desidiosus eris ?
Vah ! piget, extremos nequeas si ferre labores,
Sudanti ut faciem sanguinis unda riget ;
Quod potes, illud agas ; opus accipe viribus aquum ;
Pramia nulla ferēs, si piger usque manes.

Iesus de Virgine natus.

A N A G R A M M A.

En visus erit Dei agnus.

Ille Dei est Agnus, mundi qui crimina tollit,
En modò, Mortales p'audite, visus erit.
Agnus visus erit, parvus dum vagiet infans ;
Dum tormenta feret, visus & Agnus erit.
Ad mortem nam sicut ouis, ducetur IESVS ;
Ore necem tacito flagràque dira feret.

Iesus in stabulo natus.

A N A G R A M M A.

En iustus saluabit nos.

Tartareo Patres gemitis quid carcere clausi ?
Iam satis est votis, sat lacrymisq; datum.

*Operat'isne ferat cum germine terra salutem,
Atque pluant iustum nubila, dentq; Deum?
Iustus adest, Deus ecce subit de Virgine natus.
Plaudite, saluabit nos, redimetque malis.*

Iesus in stabulo natus.

A N A G R A M M A.

Astu venit nobis salus.

N *Ascitur in stabulo qui cuncta palatia Regum
Rex Salomone domum maior habere potest.
Certa salus hominum magno sic prouenit astu,
In stabulo puerum quis putet esse Deum?
Ante velut demon astu decepit Adamum,
Sic nouus hic astu damona fallit homo.*

Iesus in præsepio reclinatus.

A N A G R A M M A.

Io, præsens puer à se inclytus.

D *icite io IESV, mortales plaudite cuncti;
Gloria in excelsis reddita sitq; Deo.
Cælica turba suo pangit dum Cantica Regi,
In terris etiam Musica grata sonet.
Post tantos gemitus, post tot suspiria, tandem
CHRISTVS ab intactâ Virgine natus adest.
Plaudite Pastores, vobis nam gaudia desert.
Angelus, ad cunas iam properate Dei.*

Plau

*Plaudite Rex Regum præsens puer inclytus à se.
Hic Deus est ; proavis non eget ille suis.
Progenies quamvis titulos Davidica Matri
Conferat, hic maius stemma, genúsque trahit.
Attamen in stabulo puer hic, tantusq; Monarcha
Natus stramineum possidet ecce torum.
O stupor ! ó mirum ! posthac quis mollia queret ?
Eligit ut nascens aspera cuncta Deus.*

Iesus in præsepio reclinatus.

A N A G R A M M A.

O Sapientia ! pueris lucens cris.

I*nfinita Dei lucens Sapientia, I E S V,
Exemplum pueris tu puer ipse dabis.
Parvus enim factò clamas, quod postea verbo ;
Discite Mortales, sum quia mitis ego.
Corde humilis videor, semper vultúque benignus,
Quà decet & veneror religione Patrem.
Subditus & Matri promptè mandata capeffo ;
Tu me quisquis amàs, hoc imitare puer.
Sed dolor ! hæc quamvis fuerit Sapientia lucens
Cunctis, vix uni dogma salubre placet.*

Iesus à Matre adoratus.

A N A G R A M M A.

Ardeat amor, suavis est.

A*rdeat intus amor, colitur dum Numen I E S V.
Suavis amor pueri, suavis amorq; Dei est.*

C

Ic

Iesus pannis inuolutus.

A N A G R A M M A.

Tu nos lenis panis viuus.

A *Præ domus panis Bethleem iam noster esse.*
CHRISTVS *ut hac vagit natus in urbe puer.*
Ille etenim panis viuus delapsus Olympo,
Nos licet agrestes lenit, alitque simul.

Infans Iesus circumciscus est pro more
Iudæorum.

A N A G R A M M A.

Is præ nimio amore succensus, suis
fudit cruorem.

S *Circumcupis, IESVS cur circumciditur infans?*
Iussa sibi statuit talia Diuus amor.
Non sicut reliqui, scelus hic contraxit Adami,
Vt foret illius sanguine habenda salus.
Præ nimio fudit succensus amore cruorem:
Isque suis fudit. quidquid amore dedit.
Sim tuus o IESV; mihi prodest sanguinis unda,
Quam modo de tenero corpore fudit amor.
O amor! o sanguis, mea spes, pretiumq; salutis!
Me precor assidue da meminisse tui.

Iesus à Magis adoratus.

A N A G R A M M A.

Suavis do gratias meas.

Fragrantiori stella quos ducit suo
Splendore Reges, concito ad cunas gradu
Properate CHRISTI: quòdque desertis pij
Monimentum amoris, thure permixto aureum
Offerte munus. Diues hic vobis puer
Maiores reddet. Gratias inquit meas
Ego do suavis. Gratia quòdnam Dei
Infantis huius esse par munus queat?
Desertis aurum? Caritas aurum preit.
Cum thure myrrham symbolum affectus datis?
Spes iuncta fidei praeualeat donum Dei.
Et dum suavis totus & vultu suas
IESVS sereno gratias confert puer,
Caeleste donum si quod augmentum capit,
Id omne tribuit. Regibus iunctum, precor,
Me cerne IESV: pedibus aduoluor tuis,
Et vile quamuis, pignus affectus gero;
Cor ecce tribuo; quidquid & potest tibi
Mortalis animus ferre, iam totum exero.
Nihil referuo, gratia ut donum puer
Mibi suavis seruuulo feras tuo.

Puer Iesus.

A N A G R A M M A.

Piè seruus.

Subditus hic veluti seruus Matricae, Patrique,
Iussa piè exequitur filius ecce Dei.
Hoc puer exemplo facias mandata Parentum:
Ni seruus fueris, filius esse nequis.

Ie-

Iesus Redemptor.

A N A G R A M M A.

Emeritus prodes.

E Meritus prodes. pateris dum Christe Redēptor.
Pro nobis meritum vult Pater esse tuum.

Cur homo desperes regnum caeleste mereri,

Dum proprijs satagens viribus ipse nequis?

Eia age, sume animos; dirā nam morse Redemptor

Quae tibi promeruit, caelica regna dabit.

Gloria non deerit, modo sit tibi gratia CHRISTI.

Iugiter hanc igitur supplice mente roga.

Iesus Saluator.

A N A G R A M M A.

Sol suauis erat.

D Vm sine nube micat sol, cernitur esse suauis,
Suauior at proprio lumine Christus erat.

Suauis erat IESVS tori, dum viueret, Orbi:

Suauis erat puer hic, suauis adultus erat.

Suauis erat vultu, veluti sermone suauis,

Suauis erat Matri, suauis eratque Patri.

Discipuli suauem nec non habuere Magistrum,

Vidit & hunc suauem criminis ipse reus.

Magdala testis erit, quae IESV sole suauis

Oscula dans pedibus, suauiter usa fuit.

Sis pariter nobis, IESV, sol quāso suauis,

Nostrāque sit radijs mens recreata tuis.

Iesus Saluator.

A N A G R A M M A.

O sit vera salus!

O Sit vera salus nobis Saluator IESVS!

Non pereat pretium quod crucis ara dedit.

A D
IESVM CRVCIFIXVM.

Rythmus Iambicus.

Amor Deus dulcissime,
Redemptor & piissime,
IESV Patris per omnia
Pari colendus gloria.
IESV salus fidelium,
Et unicum solatium,
De Matris aluo Virginis
Qui prodixisti, criminis
A labe nos ut tergeres,
Mundusque culpa redderes;
Tui clientis anxia
Vide precor suspiria.
Ad te gemo cum fletibus,
Et maximis doloribus:
Vix ore verbum promitur,
Mœrore cor dum finditur.
Heu! quis Tonantis filium,
Candens amoris lilium,
Cernat pati sic tormina,
Nec sentiat grauamina?
Vrget amor, torques Deus:
Amor tuus, dolor meus;
Tuum mihi suspendium,
Doloris est incendium.
Ah! totus vror igneus,
Accrescit ut dolor meus:

Vine

*Vim temperat sed lacryma
In copia qua maxima
Nostris ocellis effluit,
Ardensq; pectus abluir:
Amor dolori subuenit,
Viamq; luctus inuenit.
Primum canat lugubria
Que voce tristi nenia?
Quocumque verto lumina,
Cruoris exstant flumina.
Tuum caput pulcherrimum,
Et Angelis gratissimum.
Serto reuinctum spines,
Madet cruoris aluco.
Manus creatrix omnium
(Est veritas, non somnium)
Hic perforata cernitur.
Clauoque fixa panditur.
Pedes, quibus calcabiles
Fluctus maris mirabiles
Se praeuerunt, noxij.
Iam perforant & impij.
Est lancea per militem,
Est efferum satellitem
Latus mucrone saucium,
Ad ima cordis peruium.
Hoc vulnus ut considerat,
Te cor meum desiderat.
Me luctus ingens afficit,
Cum te dolor sic conficit.
Intra latus me condito,
Guttas cruoris fundito:*

*Se feruidam mens sentiat,
Vt in bonis consentiat.*

*Cordique cor sic vnias,
Vt ampliores gratias*

*Tuis ferat fauoribus,
Pijs flagrans amoribus.*

*Amore IESV langueam,
Amore CHRISTI palleam;*

*Tecum mori plus eligo,
Te CHRISTE quando diligo.*

*Te diligam, sed maximè,
Feruens amor sit intimè:*

*I ESVS amorem prodidit,
Quando cruci se tradidit.*

*Non maior cadet caritas,
Eterna nobis veritis*

*Monstrat Dei quàm filius
Mortalibus vire pius.*

*Amor Dei mirabilis,
Et voce non effabilis:*

*Amor Dei quàm fortis es,
Amor Dei quàm suauis es.*

*Amor domas fortis Deum,
Amor suauis cor meum*

*Ad te trahis suauiter,
Impellis atque fortiter.*

*Sed quaeso, me potentiùs
Velim trahas & fortiùs:*

*Tecum mori desidero,
Proinde cuncta desero.*

*Mundi vale dementia,
Mundi vale potentia;*

*Carnalibus fallacijs
Vale Venus cum gaudijs.
Te CHRISTE totus ambio,
Tormenta ferre gestio:
Pro te mori iam ferueo,
Magis crucem non horreo.
Si non finas pro te mori,
Saltem finas tecum mori:
Vnum mihi votum mori,
Sed cum meo IESV mori.
O mors mihi dulcissima,
Et cum Deo gratissima,
Quam te lubens desidero,
Per te nimis felix ero.
Felix ero perenniter,
Fruens Dei suauiter
Dono superni luminis,
Summique vultu Numinis.
Hæc vota IESV suscipe,
Meosque luctus percipe:
Viuo mihi da gratiam,
Et mortuo da gloriam.*

